

Nuorttanaaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 14.

7id jakkegærdde.

»Nuorttanaaste« maksa ovta kruvna jakkoda-
gast, bladde dinggujuvvu juokke poasta-
rappe lutte.

30ad Juli 1905.

»Nuorttanaaste« olgusboatta guovte gærdé
manost — dam 15ad ja dam 30ad bæive
juokke manost.

Sion nieidda.

(Sarnedi oanekažat pappa Birger Hall.)

Ja Sion nieidda læ baccam nuftgo
lastagoatte vinegarde sisa, nuftgo fak-
temgoatte agurkbelldoi, nuftgo gav-
pug, mi vuttivalddujuvvu.

(Esaias 1, 8.)

Dasa læk dal ædnag olbmuk
eoagganam. Ja vissa dast æi læk
nuft harvvek, gæi Hærra dovdda
mannaes.

Mon læm gullam ovta ædne bir-
ra, gutte aidardi su buocce barnes.
Dat barne i læm olles jiermest. »Vui
dadde, go mu bardne i dovda mu,«
celki ædne yaimo bakcæsin.

Mutto jos dat ædnai bavcæsen
dovddo, go su manna æmbo i dovda
su, man ollo æmbo rakisvuoda bak-
cæsa dadde Hærra fertte dovddat, go
son oaidna daid ædnagid min gaskast
guðek æi dovda su.

Son vaidda, atte mangas æi dov-
da su. Dastge dam eoaggalmasast
cokkajek olbmuk, gæi oudast Hærra
læ oaffaruššam cælkemættom ædnag.
Dam buorremus aidardæme læk si
sust ožžom. Davja læ son maidai
ferttim sin bagadet.

Mon læm visses dam ala, atte
Hærra i læk vajaldattam ovtage dist.
Go son dust eritvaldi ovta daihe æ-
nebuid du rakkasin, ja divti du okto
baccet dam mailmest — ikgo don
dalle dovddam su rakisvuoda gæsal-
daga?

Ja almaken don ik vela dovda
Hærra.

Adde ječad bestujuvvut Hærrast!
Son occa du ain. Oca maidai don su.

»Occet Hærra dam bodda go
son gavdm, euvrvot su dam bodda
go son læ lakka!«

Dat læ dat stuoremus likko
mailmest atte læt dam almug særvest,
gæi Ibmel Hærra læ.

Son rakista su olmuides. »Sion
nieidast« læ su rakisvuoda buorredok-
kalašvuotta. Son adda su olbmuida-
sas armo armo bagjel. Son i goasse-
ge vaiba sin ala gæcæamest, son diet-
ta sin logo. Son juokke bæive sin
buristsivdneda, ja son varjala sin.
Morrašest læ son lakka su jeddetusai-
nes, ja vaddo boddost læ su suogja-
lægje gietta sin lutte. Dobbe almest
galggap mi cæska, mu ustebidam
buorebut ibmerdet, man stuores dat
rakisvuotta læ, maina Ibmel min læ
rakistam, man gukke ja govdag, man
cægñal ja allad Kristusa rakisvuotta
læ.

Dam rakisvuoda birra aiggop mi
din oudast duodaštet, dam bæste, bu-
ristsivdnedægje ja bajasgæsse rakis-
vuoda birra.

Maidai bagadus læ rakisvuotta.
Go »Sion nieidda« fertte atestusai
cæda mannat ja bacca cokkat dego
oarbesen ja oktovutti manga have;
go mailbme Ibmel almug vuostaičuož-
žo, go dat bilkkeda dam, damditi go
dat Jesusa euvvo, dalle aiggo son
bajasgæsset min stuoreb nanosvutti
oskost, nannosæb dorvastæbmai ja æ-
neb rokkadussi ja gierddavašvutti.

Dalle oappap mi maidai buoreb
Hærra oaidnet juokke dingast. Difte
fal Hærra radde. Son galgga doalv-
vot su oskolažaides ačē agalaš vuoi-
ton. »Sion nieidda« galgga agalažat
bestujuvvut.

**Ale bala, don ucca eluš! Dast-
go din ačcæsædek læ havske addet
digjidi rika.**« (Luk. 12, 32).

Juokke aiggai læk Hærrast læ-
maš dak, gæk dovddok su duottavuo-
đast. »Okta ucca bacatusaš« læk ale-

lassi læmaš. Maidai min gavpugest,
min suddost devddujuvvum gavpugest
læ okta ucca bacatusaš.

Læggo don sin særvest?

Jos erit valddujuvvuši ibmelsad-
ne, Hærra olbmuk ja Hærra duodaš-
tægjek min gavpugest — moft mata-
šæimek mi ællet dast?

Vægjemættom lifēi ællet daggar
»Sodomast.«

Go mi dal gæcædet daid stuora
joavkoid dam min Kristianiast, guðek
ellek alma Ibmelataga, de ferttep mi
gutteg guoibmasemek euvrvot: »Alg-
gop mi soattat ja barggat.« Duodaš-
tekop mi lonistægjamek birra. Sion
nieidast, Hærra særvvegoddest galg-
gek ælle cæcceravnjik olgus vuolget.

Dak ællo, gutte Hærrai gulla,
læ audogas. Si dovddok gutteg gui-
midæsek, vaiko lække si moaddelagaš
olmušcærdain ja ædnamlas dilin. Si
dovddok gutteg guimidæsek Hærra
siste. Go si cœakkai bottek, dovddok
si, atte sist læ okta Ibmel.

Vaiko galle davja læ nuft, atte
dat vieljalaš rakisvuotta i læk nuft
siskaldes ja bakas, go dat berreši læt.
Mutto jos mi æneb viggap dovddat
boattet gutteg guimidæmek, de rakis-
vuotta lassana. Darbašlas læ, atte dat
ucca bacatusaš, mi læ, almostuvva
min ja mailme oudast.

Hærra vuordda stuora dingaid
mist; dastgo sust læ ædnag migjidi
addet.

Jurdašekop mi Hærra rakisvu-
oda ala! Dat læ okta jorggalægje ja
gæsse rakisvuotta, okta occe rakis-
vuotta, mi bargga birra buok, mietta
ædnam, bæstem diti dam mi lappum
læ.

Dat rakisvuotta gæcæala gagjot
juokke sielo damge eoaggalmasast.

Aigokgo don ječad addet gavn-

nut? Aigokgo alget occat Hærra odne. Mi rokkadallap, atte ædnagak gagjujuvušegje ja boadašegje dam bestujuvvum bacatusa særvvai.

Adde ječad gavdnu, siello, dam rakisvuodast, Amen.

Dat buorre soatte.

Nuoraidi!

Okti læi muttom boares soatteolmai, gutte læi læmaš manga stuora šlagast; mutto dat boddo læi lakka, go son galgai vuolas bigjat su soatteværijoides. Dam soatteolmast læi okta bardne, gutte æska læi soaldati særvvai loaidastam. Ja nuftgo arvvedatte læi, rakisti dat boares olmai saggarak su barnes, ja son viggai su oapestet dasa, mi buorre læ. Damditi čali son su barnasis ja gočoi su »soattat dam buorre soade.«

Daid sæmma sanid, di nuorra ustebidam, halidam maidai mon bigjat din vaimo ala. Di mattebetet ječæ gavdnu dat sanid Paulusa vuostas girjest Timeteusi 1, 18.

Sottujuvvut fertte.

Daida galle orrot din mielast vahaš imašlaš, atte mon din avčom soattat. Di epet daide oaidnet ovtage, gutte din ala læ viggamen. Mutto din mielast orro, atte mailme din oudast læ čabbes ja dego mojtalle. Mutto farga di fuobmajetet, atte dat mailme læ okta soattebaikke, okta šlagænam, gost kanovnai jabman din belji oudast gullu, ja krutasuovva ja dolla din čalmi sevdnujudatta, ja luodak din mædda šuvvek, ja olbmuk gačček din olgiš ja gurot bællai, ja biškom ja jabmenhuikas sækkana komanderijægji jienain ja vuotid avvočuorvvomin.

Daggar mailme læ dat mailme, man sisa, di nuorak, loaidastepet. Ja dam soadest, mi mailmest sottujuvvu, ferttebetet maidai diges oasadek oažžot.

Mutto igo dat lifči vuokkasæbbo, atte mon gočošin din bataret dam soattebaikkest erit, atte di gæččalifčidek erit boattet soadest. Dat lifči vissaset galle vejolaš, jos dast erit mattaši olmuš bæssat. Mon dalle čurvušin buokaidi: Batar, batar! Mutto jos mon din gočušin bataret, de dat lifči dat sæmma, go atte mon valdašin din gunast dolli. Battarus lifči dat sæm-

ma go jabmen. Geččet, sielok, di epet mate soadest erit bataret, dat læ vægjemættom. Di ferttebetet soattat. Di lepet birastattujuvvum vašalažain juokke guovlost. Gæppasæbbo læ digjidi erit bæssat din ječadek suoivvænast, go atte bæssat dam soadest fria. Dast læ vægjemættom jaska orrot; dastgo dat gutte i læk mielde, son læ vuostai. Damditi goččom mon din fast: sottet dam buorre soade. Gačaldak, mi digjidi bigjuju, šadda nuftgo di oaidnebetet dušše dat: Goabba bældel lepet di čuožžomen, dam buore vai dam baha bældel? Olmuš læ jogo satana daihe Jesusa bældel. Go di dal gullabetet, atte di ferttebetet soattat, ja atte gačaldak aitosazat læ dušše dam birra, atte goabba bæle di aiggobetet valljit, alma di dalle buokak, gæi giti dat blačde joavdda, doppijeket sane mieke ja osko galba ja gačaleket dam din ouddi bigjujuvvum soattai. Alma di čuožžanepet Jesusa plægga vuollai ja čurvvijepet dam boares soattečuorvasa: »Oudast mannap mi kristalaš-olbmak, ruossa-olbmak, gonagas-olbmak.«

Allus oktage batar dam buorre soadest erit. Allusge oktage šadda betolažžan, nuftgo Judas lai. Betolašvuotta bukta mieldes hapada ja vahaga. Mi læp buokak gastamek ja komfirmašonamek bokte Jesusi loppedam oskaldesvuoda. Rakis ustebidam, allopp læge betolaža. Allopp mieke bajed Jesus Nasarealaža vuostai; dastgo jos mi dam dakkat, de mi bagjelasamek gæsset hapada, mi buok agalašvuodai čađa i šadda erit bassujuvvut, ja vel dat buok olgomuš-sevdnujadage i matte čiekat dam hapadrušodame, mi boatta min muodoi ala. Muittop mi maidai,

atte mi scattap buore aše cudast.

Harvvek daina sođin, mak dam mailmest læk læmas, læk adnujuvvum buore aše diti. Dat, man alde læ sottujuvvum, i læk læmaš dam vara væra, mi læ golggam. Mutto jos dat matta celkkujuvvut dam soade birra, maid min uaddarvanhemak adne, atte dat læi buorre, man ollo æmbo matta dat dalle celkkujuvvut dam aše birra, man oudast kristalažak sottet! Kristalažai ašše læ dat buoremus ja divrrasæmus. Dat bukta alme caivamušaid mieke doppet, ja Ibmel bardne fertti damditi olmušen saddat. Maggar lærvas ašše dadde

mist læ, man oudast mi soattat. Mi æp varai mannai galle goika, æp mi duššat ovtage ædnama. Mutto mi soattap erit suppem diti bærgalaga gæssaga ja buktem diti olbmuid ruoktot dam lappum Paradisi. Dast læ, nuorra ustebak, juoga, man oudast berrep soattat. Dast læ juoga, man oudast berrep æffarusšat læggamek ja varamek. Mi æp šadda goassege gattat, atte mi dam buore soade soadamek.

Jurdaš maggar ondastolmai mist læ.

Di diettebetet, atte jos dam ædnamaš soadest galgga vuittujuvvut, de læ darbolaš, atte oudastolmai (anförrar) læ buorre. Mutto gi soaldatid matta cælkket, atte sust læ daggar oudastolmai go kristalažain læ. Judalažak illodegje Saul ja Daved bagjel. Mutto geččet, nuorra ustebidam, geččet din bæstadek — Jesusal! Son læ kristalažai oudastolmai. Čuvvot su. I gavdnu dat miekke, mi su hæga matta valddet. Son læi jabman, mutto gæča son ælla. Son læ okta oudastolmai, gæst læ visesvuotta; dastgo su siste assa buok ibmelvuoda fabmo rumašlažat. Ige son læt okta æska algatægje; dastgo son læ soadest læmaš dam rajest go bærgalak vuostehago plægga gesi alimest. Ja son læ ælelassi vuottam buok sođin. Mæcest aji son bærgalaga batarussi, ja ruosa alde cuvki son gærmaš oaive. Jurdaš man son læ rakilaš su olmuides vuostai. I son čajet goavesvuoda. Ige son sadde olbmuides dokko, gost riddo læ varalæmus ja ješ čikusi mana. I eisege, son cælkka olmuidasast: »Čuvvot mu!«

Guoratallet maidai daid værjoid, maid di ogžžobetet.

Dak læk gæččaluvvum ja dokkalažat. Valddet osko galba, nuorra ustebak, de di dalle cævcebetet, go bærgalaga buolle njuolak arvvek din ala dego havlla-oakte; dak æi galga din vahagattet. Adnet sane mieke, ja vuostaičužžot daina bærgalaga, ja son fertte dist erit bataret. Mon ferttim maidai digjidi muittotet:

Min stuora væketægje joavko.

Sanest čuožžo, atte Hærra engelak birastattet sin, guđek Hærrast ballek, ja maidai, atte engelak læk balvvalægje vuoinak, mak galggek balvvalet sin, guđek audogasvuoda arbijk. Gæča, moft si laidejik Lote ja su bærraša dam duššadubmai dub-

mijuvvum gavpugest olgus. Guoratala, moft sin dollavavnok buolle hæs-taiguim birastattet Elisa. Jos Elisa okto nuft ædnagid mati oažžot, maid dasto olles dat soattevaš girrko! Mi famoid matta din bagjel vuoitte, nuorra ustebak, go dist daggar vœkke læ? Dat fabmo i gavdnu. Di epet darbaš soattat vissesmatomvuodast; dastgo dal juo mattebetet di lavllot: »Si bilkkon ja hæpaden šaddat galg-gæk, min mielde Ibmel læ, ja mi su mielde, ja vuoitto gulla niigjidi.«

Ja mi dasto, go di vuoitoin sidi ollebetet?

Mi dasto ustebidam? I oktage ædnamlas binnain mate dam birra muittalet ollaset. Dam mailme vuoit-tohærrak ožžuk sin namasek historia blađi ala. Dat læ sin balkka. Mutto jurdaš, go son, gutte læ Leion Judast, læ ædnam dam stuora guovde, mi læ satan, ja læ suppin su dolla-javrrai. Jurdaš, maggar balka si ožžuk, gudek læk soattam »dam buore soade,« go si Imanuelin dai agalaš portai čada sisamanek, go avvolavla ja buorastattim engeljalmin čuogja sin vuostai, ja sæmmast gačček Paradiisa hærvvarasek sin ala. Ja dasto mañnel alggek vuoitto guossemallasak, mak æi noga goassege. Die dat de læ ragje, man vuostai di rakis sielok galggabetet barggat. Dat læ buok soade loappa. Vare mon din oainasim raiđdolagaid, dam bæive go alme vægai Ibmel su soatvægag čuagga.

(Bymissionæren).




Maggar dovdoiguim olmuš havkka.

Muttom nuorra olmai, gutte læi gosi havka čacai, go i sattam vuog-jat, muittala, maid son jurdaši, go son læi čace vuolde:

Mon gallim ila favllai, ja oud-dalgo mon ješge aicim dam, de vœl-lajim mon bodne alde. Mon govde-dim čace ala ja vugjum fast, ja mu jurdagak manne ruoktot. Mon dego oidnim čalmidamguim obba mu ælle-ma, ja manga dapatusa, maid mon aigga legjim vajaldattam, botte mud-nji muittoi. — — — Mon vœl-lajim ja jurdašim, atte mu vanhe-mak, oabbak ja vielljak šaddek mor-raši, go si ožžuk gullat, atte mon

læm hævvanam. Mon divvum mu ječam čalmidam oudi dam boddo, go mu jabma ja galbma rumaš bigju gisto sisa. Mon orrom oaičnemen, go si dedde mu čalmid gidda ja lebbi-jegje vilgges line mu muođoi ala. Mon arvvedim, atte de dal jamam, ja daddeke legjim jaskis mielast ja dorvolaš. Im mon dieđe, man gukka mon vællajim nuft; mutto mañemusta dovdim mon ječam vaibasen, ja de orrom mon gullamen almakaš čabba čuojanasa. Mon dovdim imašlaš lakai, atte siello guđi rubmaša ja bag-jani bajas. Mon im dovdam maide-ge bakčasiđ; mutto legjim ilost. Dat čabba čuojanus šaddai jiednasæbbo, ja mañemusta orrom mon gullamen miljonai mielde jienaid, gudek lavllu čuojanasa mielde. De javkai buok; mon dovdim hirmos vuoisataga raddest; mon gocejim fastain ja mon oidnim mu guimidam čuožžomen bir-ra mu čacegaddest. Si legje ožžom mu goikke gaddai.

»S. M.«



40 jage

læk dal dam rajest, go darolaš mærraolbmai-miššon algatuvvui olgoædnam hamanin. Dat vuostas, gutte olgussaddijuvvui læi pappa Andreas Hansen. Son loaidasti gaddai Leith gavpugi Skotlandast alggem diti dam buristsivdnevuvvum bargo, maid mærraolbmai-miššon læ doaimatam. Dal dat miššon bargga 50 aivo olgoædnam hamanin. Andreas Hansen læi mærraolbmai-pappan 8 jage Leith gavpugest ja jami papa-ammatast trefoldiheds-særvegoddest Kristianiast.

Islandast

čallujuvvu 27ad juli: »Odneided bođi deike okta falesdampa, gutte mieldes buvti ovta bivddedampa manska-pe — 9 olbma, gæk gulle Aalesunda gavpugi. Si legje ferttim dampasek guođđet isa sisa dam 11ad juni ja legje mannam vadnasidi. Si gagju-juvvujegje muttom engelas falesdampast lakka Grønlanda 11 bæive mañnel go dampasek legje guođđam.«

Muttom jallas oaive.

Okta boares 60 jakkasaš oapa

tægje, Th. Winther, Drammen gavpu-gešt, læ čallam muttom ruotalaš blađ-dai, man namma læ »Aftonbladet,« ovta bitta, man siste son darolaš rad-ditusa juo mæsta cielata. Dal čallek buok darogiel blađek su birra, ja goč-čujek su ænambetolažžan. Atte son læi dat, gutte dam bitta læi čallam, bođi diettavassi daggo bokte, atte son vuost čali »Landsbladet« redaktioni ovta bitta, man sistdoallo læi mæsta sæmma lagan. Mutto »Landsbladet« i valddam sisa. Ja go Winther dam oini, de son dušše nubbastatti bitta vœhaš ja saddi dam Stokholma »Af-tonbladet,« go dasto »Landsbladet« redaktora logai dam bitta »Aftonbla-dest,« de dovdai son, atte sæmma olmai dobbe læ lemaš, ja daina la-gin šaddaj diettavassi boattet, gi bit-ta čalle læi. Son diettalassi šadda rangaštuvvut. Dal muittaluvvu, atte son læ bataram erit Drammen gavpu-gešt oktan akaines.

Almugstemmin

galgga dal, nuftgo mi diettep, dollu-juvvut dam 13ad august. Mietta æd-nam aiguk dampak ja vissa maidai jernbanak olbmuid fievređet nufta stemminbaikai. Dabe Nordlandast læk buok dampasælskapek, sikke smaveb ja stuoreb fallam fria ræiso dæidi, gudek aigguk stemmit. Jakkemest læ, atte æi læk galles, gudek celkkek: »Nei.«

Tuiskaædnam

olmušlokko lassana hirmos jottelet. Mañemus statistika mielde rekenastu-juvvu, atte Tuiskaædnam olmušlokko dal læ 60,167,500 (gutta loge milli-on čuotte ja gutta loge čieča duhat ja vitta čuode). Dam jage 1903 legje 59,360,000. Dam jage 1903—04 læ olmušlokko lassanam 795,000 olb-muin, ja 1904 rajest 1905 ragjai læi lassanæbme 800,000.

Imašlaš gagjubme.

Muttom franska barkkaskipa, man namma læ »Ajon,« vulgi Sidneyst dam 20ad januar dam jage. Skipa læi lastijuvvum nisson, mi galgai dolvvujuvvut Falmouthi Engelandi. Dam 4ad februar borjasti skipa lassa ala Auckland sulloi lakka.

Kaptæina komanderi dallanaga, atte 3 skipa vadnasin galgge mæra ala luittujuvvut ja borramuš valddu-juvvut vadnasidi. Go si dasto legje

sukkam 9 km. arvo muttom bavi gaskast, gavnue si ucca mokkaša, goša vanas mati laddet.

Skipaolbmak oece suoje vuost muttom bakteraigest. Høegalažai dam sullo alde æi gavnun ærago muttom lodid ja soames vilda savca. Daina borramušain, maid si skipast legje mielde valddam ja go vela fanggijegje muttom saveaid elle si obba gukkes aige. Ja go borramuš nokkagođi, de fuobmajegje si dam sullo alde ovta viste, man siste læi borramuš ja bivtas valljid. Ny Zelanda radđetus læi dokko doaimatam viste ja borramuša dam jurddagest, atte jos hæðalažak dokko jovddek, de si æi galga nælggai jabmet.

Mutto verremus daidi skipaolbmaidai læi dal dieđo ožžot olbmuidi, atte si læk barttest. Si smitte gukka ja fuobmajegje mašašassi, atte si galggek gæčcalet muttom loddid fangget ællenaga ja valddet ja čuoppat lokkid blækkadoasain ja čallet dai ala ja dasto čadnat dai bittaid loddid julgidi, vai girddet daiguim daggar baidi gost olbmuk læk. Dam si dakke. Ige læm gukka ouddalgo daggo bokte dietto boidi olbmuidi, atte dam sullo ala læk olbmuk barttašuvvam. Ja dam 7id mai boidi okta dampa, mi læi olgussaddijuvvum dam ny-zelandalaš radđetusast, sin viežžat erit dam sullost. Dam mano algost jovdde dak olmak Frankriki fast.

• Ballo læ stuores Ruodarikast.

Ruotalaš blađek muittalegje gieskad, atte okta darolaš officeriskadægje læ dolvvujuvvum ædnamest olgus. Dam officera namma læi Falsen. Ašše læi namalassi navt:

Kaptaein Falsen læ naittalam ovtain ruotalaš nissonin, ja son suitta ædnama Ruodast, ja son fertti dokko vuolggat su obmudagas gæččat. Son oudeb munest čali dai ruotalaš soatteisevaldidi, atte son aiggo boattet, ja maidai namati son, atte sust i lifči hallo valddujuvvut gidda Ruodast, almaken gavnue dak ruotalaš soatteoivvamušak darbašlažžan bigjat ovta ruotalaš löitnanta ja guokta soaldata čuvodet Falsena, nuft gukka go son Ruodarika siskabælde læi.

Ballo dačast matta læt stuores ruodaraje siskabælde. Dabe Norgast jottek ruotalaš officerak, nuft ædnag go halidekl

Okta stuoradigge-olbmain

læ jabman. Su namma læi A. Strand. Son læi riegamam Sigdalast jagest 1857, ja son valljijuvvui maņemus stuoradiggevalgast representantan Buskeruda amta oudast.

Ruotarikast

læ dal valljijuvvum odđa radđetus. Dam radđetusa lattoi namak læk čuovvovažak:

1. E. Tingsten, soatteminister,
2. G. A. Ber, justitsminister,
3. S. A. Lindman, marresoadeinister
4. E. Biesert, ruttaminister,
5. I. Wide'n, civilminister,
6. P. A. Peterson, ædnambrokaminister,
7. G. A. Peterson, konsulativ statsraad,
8. K. H. L. Hammarskjöld, ceklesiastikminister,
9. Karl Albert Staaff, konsultativ statsraad.

Brævva Sigerfjorast.

Buok læ jaskad ja jamas, i gul-lu mikkege min guovlost, Tanast. Maidai Henriksen læ vajaldattam min ja min ucca blađaša »Nuorttanaste,« mi ain vigga olgusboattet, vaiko su tinestus læ tapa, ja su gudne læ laittem soabmasin. Mutto buorre doaiva daddeke dam bisota.

Inn mon gal daddeke imaštala, atte buok læ jaskad ja jamas. Alma dat politikalaš moivve læ olbmui hurvudattam ja vuolasdæddam. Dat vissa læ sivvan dasa, atte buok læ jaskad ja jamas. Mutto dat i væked hurvutallat; dastgo dast i læk mikkege avkid. Læge arvok ja daga nuft, dego i lifči mikkege, mi du mielæ lossuda!

Mon jakam maidai, atte dat vissa læ sivvan dasa, atte min samegiel blađek ožžuk nuft necan doallid dam maņeb aiggai.

*

Vuost aigom mon muittalet min čabba ja rudnes gæse birra dabe, mi dal ruodna min birrasin, mærragaddest gidda alemus varrečokkaidi. Suotas læ gæssed, dalle læ olmuš havskevuoda siste, ja vajaldatta buok dam losses dalve su sævdnjadvuodaines ja galmasvuodaines. Gæsse buok dam bagjel vuotta.

Ædnam olbmui læ buorre doaivvo dam jage fuodarid ožžot o-

midi. Maidai potetosge orro čajetemen buore algo.

Olbmuk læk juo ollin mælgad gukkas lajoin, ja ouddalaš suoidneladok orruk čajetemen uccen dam suoidnai, mi dam jage ožžujuvvu.

Stuorasaidde maidai oidnu smavaset. Buorre doaivvo læ olbmui dam jage saidai; dastgo smavasilde læ dieva vuona.

Buocovuotta hærida maidai smavaset dabe, erinoamašet manai guovddo. Soabmasak jabmek.

Gruvvabarggo maidai doaimatuvvu daggo birrasin; mutto dat læ dušše gæččalambarggo ain, ja dast læk dušše 3-40 olbma bargost. Doaivvo læ daddeke buorre.

Dat læ arvvedæmet, atte gosa moaddelagaš olbmuk čoagganek, dabe šadda maidai mangalagaš ællem, nuftgo vinejukkam, riddo j. n. v.

Markan aige dapaťuvai dat likkotesvuotta dam gruvvabaikest, atte okta nuorra gandda ožžoi guktoi julgides cuvkkijuvvut gruvai gæččeld. Si gavnue su jabman.

Loapatam mu brævan usteblaš dærvuodaiguim buok oappasidi, fulkidi ja erinoamašet mu oabbaidi ja vanhemiđi must

Ovla-Andras.

Daida okta gonagasa barnin Norga truono ala boattet.

Muttom darolaš blađek arvvalek, atte i læk vægjemættom, atte okta gonagasa barnin šadda gonagassan Norgast. Arvvaluvvu, atte kæisar Vilhelm læ sarnotam Oskar barggat dam ala, atte okta sogast boatta Norga truono ala. Muttomak fast arvvalek, atte okta danska prinsain dat šadda

Suomaenam maidai likkada.

Helsingforsast muittaluvvu, atte 20,000 olbmu legje čoakkes ja gaibedegje nubbastusa rikastivrijuimest.

Ruošša læ odđasist

fast loana valddam 200 million rubel. Dam loana læ son ožžom su ječas ædnamest.

Gonagas Oskar

læ radđetusa addam bardnasis. Son galgga læt skivas dal.

»Nuorttanaste« čalle, prentejægje ja olgusadde læ G. F. Lund, Sigerfjord, Vesteraalen.